

**Zeitschrift:** Le nouveau conteur vaudois et romand  
**Band:** 94 (1966)  
**Heft:** 5-6

**Artikel:** Achebin pinyèta  
**Autor:** Bongâ, Marièta  
**DOI:** <https://doi.org/10.5169/seals-234465>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

**Download PDF:** 30.03.2025

**ETH-Bibliothek Zürich, E-Periodica, <https://www.e-periodica.ch>**



## Achebin pinyèta

On yâdzo, din lè familyè dè payijan, èthê le pye dzouno ke rèprenyè le bin apri la mouâ di parin. Pyérô l'avi dou bouébo è ouna filye. Hou dzin travayivan avui korâdzo on galé bin dè karanta poujè. Le premi di fe l'avê aprê on mihyi. A vintè-thin k'an i chè maryâ è l'a tyithâ le velâdzo. In chi tin, le pye dzouno kortijâvè ouna brâva filye dé payijan. Kan la chèra l'a apêchu chin, l'a moujâ ke cherè vuto dè tru pêr inke è l'a dèmandâ a chè parin d'alâ in pyêthe.

— Tyè moujè-the ? ly rèpon cha dona. Te pou pâ mè léchi cholèta avui to le travô. Atin oumîntè ke Dzâtyè chi maryâ, adon cherè prou vuto dè modâ.

Lè parin chavan ke lou j'infan ch'randzivan bin, ma Lili l'a chu la premire ke Dzâtyè chè maryèrê a la Bénichon. In katson, la filye tsêrtsivè ouna pyèthe è l'a trovâye kemin damejala dè rèchep-chyon vê on mèdzo. Kemin y vinyo dè vo dre, ou mi d'oktobre to chè pachâ avui la chejintèri ke konvin po na nothe. Lili vinyè chovin fére on toua a la méjon, è chè trovâvè kontinta dè vêre ke to alâvè bin din chi novi minâdzo. Ou furi, la dona viyè ke cha bala-filye chavê tan bin fére a medzi ke ly a dèmandâ dè ch'okupâ a l'othô in dejin k'amâvè mi travalyi fro. To alâvè kemin on papê dè mujika tantlyè a la chèjon di fin.

Inke y arouvo pri d'la nyola ke l'a

pachâ chu la méjon. On matin, ou momin ke la bala-filye lavâvè lè ketalè, la dona fourdzivè ôtyè din le boufè dévan tyè d'alâ in tsan. A nov'ârè, Lina l'è jelâye portâ le chokolâ kemin dè kothema. Vê ondz'ârè la dona l'è rintrâye è le goutâ n'irè pâ fê, è nyon pê l'othô. Chta dêrire va vouiti din la tsanbra è trâvè cha bala-filye ou yi.

— Ma, ma toparê : tyè ke vo j'ê ? Vo j'ithè malâda ? Vo j'ari bin du no tyirâ.

— Akutâdè, dona. Vo j'irâ tru yin è chin m'a prê to don kou.

N'è pâ jou grantin ke Dzâtyè chè trovâ pri dè cha fêna in lârmè. L'è jou vuto ou kouran d'lafére. Avui ouna pitita pointe dè kolére, y ch'in va vê cha dona è ly fâ :

— Dona, no vo dêvin le rèchpè, ma vo chédè ke ly arè dou novi chti l'outon. Che Lina ne chupouârtè pâ le chokolâ è ke prin ouna tacha dè kâfé avui on mochalè dè pan a pêna kontzi dè buro, y le mretè portan, ou tyè ?

— Ma, ma, prou chur. Ouna brâva dzin kemin li, travalyâja è tan a pan po la méjon. Chon tan rârè ou dzoa d'ora.

— E bin, dona, no vo pardénin po chti kou, ma ke chi le dêri yâdzo ke vo fédè ouna tzifra avui le kuti dèjo la malôta dè buro po chavê vouéro y n'in prin, ôtramin no modèrin ti lè dou.

*Mariëta Bongâ.*